

家

藏

蒙

筌

七

家藏蒙筌卷之六

後學王世鍾小溪氏纂輯男迪哲久瑞校訂

心腹痛



真心痛者面色黑指甲青四肢厥冷至節死證也茲云心痛者以其在心之部位而名也如橫滿連胸名肺心痛下連胃脘名胃心痛連臍各脾心痛連腰名腎心痛連少腹名大小腸痛連脇各肝心痛時疼時止嘔吐清水名蟲心痛中惡腹痛名疰痛寒邪外干各中寒痛悸心痛水停心下屬飲也思慮傷心屬傷也停食痛停水痛停痰痛胃火痛氣滯痛血瘀痛皆不死之證

也當分門施治但痛因寒者十居八九因熱者十惟一二何也
寒則凝滯凝滯則氣逆氣逆則痛而熱則流連雖亦有因燥結
熱閉作痛必有煩熱焦渴秘結淋澀等證可見諸書多以諸痛
屬實痛無補法又謂痛隨利減通則不痛爲不易之法不知形
實病實便閉不通者乃爲相宜若形虛脈弱食少便泄者豈容
混治須知痛而脹閉者多實不脹不閉者多虛拘按者爲實可
按者爲虛痛不移者爲血痛爲定者爲氣喜冷者多實喜熱者
多虛飽則甚者多實饑則甚者多厥脈實氣粗者多實脈虛氣
少者多虛新病年壯者多實久病年衰者多虛補而不效者多
實攻而愈劇者多虛脈之弦大者痛在經脈之沉微者痛在臟

表虛而痛者陽不足也非溫經不可裏虛而痛者陰不足也非
養營不可上虛而脾傷也非補中不可下虛而脾腎敗也非溫
補命門不可不得拘泥痛無補法之例運用之法總貴因機達
變諸病之虛實辨之於脈者易惟心腹痛證則有大有小其脈
多有難辨雖滑實有力者固多實邪虛弱無神者固多虛邪此
其常也然暴病之極者每多沉伏細澁最似極虛之候不知氣
爲邪逆則脈道不行而沉伏異常此正邪實之脈然於沉伏之
中細審之必有梗梗然弦緊之意此必寒邪阻遏陽氣者多有
是脈若火邪作痛則不然也凡見此者不得因其細極微極便
認爲虛脫妄用補劑必大誤矣辨此之法但當察其形氣以見

平素之強弱問其病因以知新病久病及何所因而起大都暴
病痛急而脈忽細伏者多實邪久病痛緩而脈本微弱者為虛
邪臨證者細維察辨自可得其梗槩矣

丹溪曰草豆蔻一味性溫能散滯氣利膈上痰若果因寒而痛
者用之如鼓應桴若濕鬱結痰成痛服之多效若因熱鬱而痛
者宜以涼藥兼之如芩連枝子之類其效尤捷東垣草豆蔻丸
治寒厥心痛大獲奇效若係久熱鬱熱已甚者諸香燥藥又斷
不可用也
丹溪曰心痛即胃脘痛雖日數多不喫食不死若痛方止便喫
物還痛必須三五服藥後方可漸漸喫物

○痛甚者脈必伏用溫藥附子之類不可驟用參朮

○心痛用梔子并劫藥止之若又復發可用玄明粉一服立止
○脈堅實不大便者下之

景岳治一人因食麵小腹下至右角間停積堅突大如鵝卵其
痛至劇諸藥不効景岳曰麵毒非大蒜不殺氣滯非木香不行
今積在小腹右角又滯深道遠非精銳之嚮導不能達乃用火
酒磨木香令其嚼生蒜瓣而以香酒送之一服後覺痛減三四
服後漸愈乃知飲食下行由少腹下右角間而後出於廣腸也
巢氏病源曰凡腹中痛其脈當沉弱今沉反洪大者是疝也
丹溪云凡治虫病服藥宜上半月虫頭向上易治下半月虫頭
向下難治

徐東臯云治虫雖有方不知其法亦不效凡欲下虫必先一日不食次早五更用油煎肉嚼之良久腹內虫聞肉香皆頭向上而欲食乃以雞蛋煎餅和藥嚼而食之須與服老火葱頭根鬚煎湯以助藥力下行不踰時而虫俱下然後以白粥補之隨服補劑調理脾胃而疾可悉愈

凡虫痛證時作時止來去無定或嘔吐青黃綠水或吐虫面色或青或黃或白而唇則紅然痛定則能飲食者便是虫積之證速宜逐之

化滯丸 見積聚此丸內有黃連能攻熱積

備急丸 此方有乾薑能攻寒積心腹作痛如錐及脹滿蘼

暴百病中惡客忤口噤卒死皆治之

巴霜 大黃 乾薑 俱為末各等分和勻煉蜜為丸石白

內杵千餘下如泥丸如小豆大夜卧時溫水下一丸氣實者

加一二丸如卒病不計時服如卒死灌之如急作散用亦可

清中湯 治火痛四肢手足心熱脈來數

黃連 二錢 梔子 二錢 陳皮 茯苓 各一錢 半夏 一錢

草豆蔻 七分 甘草 五分 薑水煎食前服

尤附湯 治寒厥暴痛脈微細弱

甘草 炙一兩 白朮 四兩 附子 一兩 每用五錢薑棗水煎服

手拈散 治心脾氣痛

心腹痛

玄胡索 研真五靈脂 草菓 沒藥製

各等分爲末每服三錢用熱酒調下

理中湯 治陰寒腹痛嘔吐脈遲手足厥冷加附子名中附子理

人參 白朮土炒 乾薑炒黃 炙甘草 附子製

○若中脘停寒喜辛物入口卽吐卽噦加丁香或廣香胡椒生姜

良香檳榔散 治心氣痛不拘男婦小兒並用

檳榔 良薑各一錢五分 香附五分 三味爲細末薑汁水調服或熱

酒調服

治心痛奇方 用燒鐵浮起白沫如枯礬樣者研極細末白湯

調服二分不愈再一服永不再發

濕脾散 治飲痰生冷菓菜停留中焦心脾冷痛

乾薑炒 黃厚樸煨 草菓煨 縮砂仁 炙甘草 神麩

麥芽 陳皮 高良薑炒 各等分爲末每服三錢淡熱點湯服

梅硫丸 治心氣痛服辛劑反甚改服酸劑

水梅榔 生硫黃 爲末搗勻可丸爲度作一丸白湯

下立愈蓋梅味酸硫黃性熱以酸熱收散寒之氣

愈痛散 治心脾氣痛

五靈脂去沙 玄胡索 蓬莪朮 當歸 良薑炒 枳榔

各等分爲末每服三錢白湯下

桃靈丹 治氣血積滯諸痛

桃仁一兩半 青皮 廣皮 玄胡 五靈脂各五錢

沉香 廣香二味不見 乳香 沒藥二味瓦片炒

共為末 九種心忒沒醋湯下絞腸腹痛沒鹽湯下食積瘀血

二香荔枝散 治心腹胃脘疼痛諸藥不效並治小腹痛氣痛

荔枝核五錢 廣香三錢 大茴香五錢

牙皂燒存性以烟將盡為度 共為細末每服一二錢白湯

調下 屢觸屢發者數服除根屢用神効

遇仙丹 追虫逐積消滯利痰小兒多虫者宜服

黑丑頭末 枳一兩半 三稜五錢 蓬朮五錢

牙皂燒存性另 大黃三錢 廣香另研末 共為細末每服

小兒一錢大人二三錢沙糖湯送下空心服

○按此方若加苦楝根皮一兩半以殺虫更妙苦楝皮須取東引不出土者刮去粗皮取內白皮用或以苦楝根皮熬水打米糊將前藥末爲丸桐子大每服二三錢四更沙糖湯下

兵部手集方 治心痛十年五年者隨手效用蒜以醋煮熟頓

服再不發

祛痛散 治諸般心氣痛連及胸脇或小腸吊疝及婦人血氣

刺痛此方屢用神効

青皮 五靈脂 川棟 山甲炒搗碎 檳榔 沉香挫末對服

大茴 玄胡搗碎 沒藥瓦炒去油 廣香挫末對服 良薑 砂仁姜汁炒

烏藥散

治血氣壅滯心腹作痛

烏藥

當歸

青皮錢三

莪朮錢三

肉桂

二錢

桃仁

二錢 搗碎

廣香

二錢 磨對服

或共為細末熱酒調下

薑桂湯

治腹痛脈沉遲者屬寒痛也

乾薑

三錢 炒黃

肉桂

良薑

吳萸

錢二

枳殼

二錢 炒

陳皮

三錢

砂仁

二錢 汁炒

香附

三錢 搗碎

炙草

一錢

廣香

二錢 磨對服

蒼朮

二錢 米汁炒

玄胡

三錢 搗碎酒炒

芍藥丸

治飲食無節或因生冷致傷脾胃凡有所觸即為腹

痛或為脹滿減食等證方見諸氣

乾漆丸

治九腫心痛腹脇積聚滯氣

乾漆二兩搗碎炒煨烟盡研細醋煮麵糊丸如桐子大每服
十五丸熱酒送下日進三服或加蒲黃五靈脂各一兩

各錢亦妙

脇痛

脇痛之病本屬肝胆二經以二經之脈皆循脇肋故也若忿怒
脾勞傷血氣傷筋或寒邪在半表半裏之間此本經之病宜直
取本經若以焦勞憂慮而致脇痛者此心肺之所傳也以飲食
勞倦而致脇痛者此脾胃之所傳也以色慾內傷水道壅閉而
致脇痛者此腎與膀胱之所傳也自他經而傳至本經者又當
清其源也至傷風寒者脈多浮弦而數有食者脈多沉弦而伏

香附二錢
搗碎

推氣散

治右脇痛

片薑黃

枳殼

麵炒

桂心

各五錢

炙甘草

二錢為末每服

二錢湯下

大和中飲

見呃逆

導痰湯

見噎氣

小柴胡湯

見傷寒

河間葛根湯

治寒邪在經脇下疼痛難忍

葛根

桂枝

防風

各三錢

川芎

二錢五分

北細辛

麻黃

芍藥

人參

各二錢

炙甘草

一錢

枳殼

二錢

生薑引

逍遙散

古方見傷寒門

枳殼煑散

治悲哀煩惱傷肝兩脇骨痛筋脈緊腰脚重滯筋

急不能舉動此藥大治脇痛

枳殼四錢 地細辛 葛根各二錢 川芎一錢 桔梗 防風各三錢

甘草一錢 薑棗煎服

柴胡瀉肝湯 治鬱怒傷肝左脇痛

柴胡 當歸各三錢 青皮 芍藥各二錢 黃連 山梔

龍胆草各二錢 甘草一錢 水煎服

桃仁化滯湯 去瘀血治脇痛

桃仁十八箇 紅花 川芎 柴胡 青皮各一錢 芍藥三錢

香附二錢 歸尾三錢 水煎服

左金丸 治肝經火實左脇滿痛夫肝木居於左肺金處於右

左金者謂金令行於左而平肝木也蓋黃連瀉心火而不使

乘金則肺得清肅而肝有所制矣

黃連六兩

吳茱萸一兩

湯泡洗

為末水發為丸如椒目

大白滾湯下

當歸龍會丸

治肝經實火兩脇痛要藥或大便秘結小便澀

滯或胸膈作痛陰囊腫脹及一切躁熱狂越驚悸不寧等證

當歸

龍胆草

梔子仁

黃連

黃柏

黃芩

青皮

各一兩

蘆薈

大黃

青黛

柴胡

各五錢

廣香二錢

麝香

五分

右為末神曲糊丸桐子大每服三四十九薑湯

白湯任下

六味地黃丸

加柴胡當歸治色慾損腎怒氣傷肝兩脇脹痛

方見補益門

枳芎湯 治左脇痛係有瘀血輕者宜用此方

枳殼炒 錢 撫芎 三錢 鬱金 三錢 甘草 一錢

外治法

用白芥子三四兩研細末醋滾水各半調敷痛處取辛散消
痰或吳萸研細醋滾水各半調敷取熱能流通或用韭菜葉
搗爛炒熨取其辛能開鬱逐瘀

大溫中飲見傷寒門 治元氣虛弱之人陰寒外閉邪不能解而
脇痛畏寒宜此方主之

腰痛

經曰腰者腎之府轉搖不能腎將憊矣蓋腎與膀胱爲表裏在外爲太陽在內屬少陰又爲衝任督帶之卑會則腰痛一證實以少陰爲主然有內因外因不內外因之別舊有五辨一曰陽虛不足少陰腎衰二曰風痺風寒濕著腰痛三曰勞役傷腎四曰墜墮損傷五曰寢臥濕地其說已詳而景岳更增以表裏虛實寒熱之論尤爲詳悉夫內因治法腎臟之陽虧則益火以消陰翳腎臟之陰虛則壯水以制陽光外因治法寒濕傷陽者用辛溫以通陽泄濁濕鬱生熱者用苦辛以勝濕通氣不內外因治法勞役傷腎者以先後天同治墜墮損傷者辨傷之輕重與脈之有無其間有宜補宜散宜溫宜清要審因症製方至於疼

痛不特腰也大凡諸痛因於寒者十之七八因於熱者不過十之一二而已如欲辨其寒熱但審其痛處或喜寒惡熱或喜熱惡寒斯可得其情矣諸書謂通則不痛此通字勿誤認爲攻下通利講所謂通者用流通氣血之藥勿使寒凝收瀉之品是也然必辨其在氣分血分之殊在氣分者但行其氣不必病輕藥重攻動其血在血分者則必兼乎氣治所謂氣行則血隨是也若症之實者氣滯血凝通其氣可散其血則愈症之虛者氣衰不能充運血虛不能滋榮治當養氣補血而兼寓通於補或佐以外治之法如針灸熨洗按摩導引之類則尤易奏功凡患腰癱極甚而面色忽紅忽黑是爲心腎交爭難治之證也

○腰痛脈法大畧脈大無力為虛弦為陰虛瀼為瘀血沉滑為
痰濡弱為濕緊數為風寒

五積散 治腰痛屬寒脈緊腰間如冰得熱則減得寒則增本

方去桔梗加吳萸桃仁杜仲方見傷寒門

羌活勝濕湯 治風濕相兼一身盡痛

羌活 獨活錢三 藁本 防風錢二 蔓荊子搗碎 炙甘草

川芎錢一 如身重腰痛沉沉然經有寒也加防風酒炒一

錢附子一錢

加減大分清飲 治邪火蓄結腰間痛不可忍六脈洪滑煩熱

口渴二便秘瀉

猪苓 澤瀉 茯苓 木通 路三 梔子 四 錢 枳殼

車前子 錢二 黃柏 龍胆草 錢三 此濕熱利而痛解之義

人參 敗毒散 治風熱腰痛 凡外感腰痛 屬陰者 宜五積散 屬

陽者 宜本方 本方見傷寒門

獨活寄生湯 治腎虛寒濕腰脚疼痛 方見痺證

當歸地黃湯 治真陰虧損 精血衰少 腰膝疼痛 等證

熟地 六錢 當歸 山藥 紅枸杞 杜仲 各三 牛膝 二錢

棗皮 一錢 半 炙甘草 一錢

新方有情丸 專治腎虛腰疼

故紙 一兩 青鹽 三錢 兔 一兩 溫 鹿茸 取此補精氣去惡血

杜仲一兩青藍三錢對先用米汁水浸洗淡再用酒肉苁蓉洗用一兩取其味重性滑而

降兼暖腰膝硫黃能除冷風頑痺溫補命門真火瀆火滌

化即投水中去毒研細五錢

右各細末以羊腎子一對豬腰子一箇酒煮好去膜杵如泥

和藥末搗勻丸如桐子大每服六七十丸溫酒鹽湯任下用

羊腎豬腰者羊乃火畜豬乃水畜取一水二火血肉有情之

品同氣相求相濟之義也

通經丸方出本草 治內實腰痛

黑丑二兩半生半炒 為細末硫黃火中溶化即投水中去毒研細

末一兩共和勻細麥麩為丸每服五十九

通氣散 治閃挫氣滯腰痛

廣香 二錢 未服 陳皮 三錢 小茴 三錢 山甲 炒搗碎 三錢 甘草 一錢 炒

玄胡索 三錢 搗碎 酒炒 白牽牛 三錢 搗碎 薑水煎服

活絡丹 方見麻木治血瘀不移腰痛如錐刺日輕夜重依方加五靈脂麝香為丸更妙

新方溫養腎肝丸 治肝腎虛損腰膝疼痛

鹿茸 酥炙二兩 研細 肉苁蓉 米汁浸洗去鱗再用酒洗二兩

當歸 酒洗一兩 五錢 小茴 一兩 五錢 青鹽三錢 對水炒 肉桂 刮去皮一兩

杜仲 二兩 青鹽三錢 對水炒 另研未 故紙 一兩 五錢 青鹽三錢 對水炒

胡桃肉二兩搗為泥和前藥末加蜜丸如桐子大每服六七

十丸溫酒白水任下

新方如神散 治氣血凝滯腰痛

當歸 二錢 酒炒

草薺 二錢

玄胡 二錢 搗碎 酒炒

威靈仙 二錢

小茴 二錢

廣香 二錢 挫末 對服

牛膠 二錢 酒炒

杜仲 三錢 酒炒

生薑 三錢

煎水服

白朮實仁湯

治老人濕氣腰痛難伸

白朮 三兩 米汁水炒 黃色

芡實 三兩 微搗碎

苡仁 三兩 微搗碎

水煎服

蒼蘘散

治濕熱腰痛

蒼朮 米汁炒 三錢

黃柏 三錢 浸鹽水炒

牛膠 三錢

木瓜 二錢

撫川芎 二錢

杜仲 三錢 生用

枳杞 三錢 酒炒

新方熟大黃湯

治墜撲閃挫瘀血不散腰痛脉瀉

歸鬚 三錢 酒炒

蘇木 二錢

桃仁 去皮 燒一錢 搗碎

牛膝 三錢 酒炒

川芎 二錢

羌活 二錢

大黃三錢用生薑四錢切碎同炒焦黃色水煎五更空心服

取下惡血如雞肝者即愈

朮附湯 治寒濕腰痛重冷小便自

白朮 炒一兩 製附子 一兩 杜仲 炒五錢

薑煎服

新加青娥丸 治腎虛腰痛益精髓助元陽烏鬚髮壯腰力

故紙 炒二兩 杜仲 炒二兩 鹿茸 酒炙二兩 巴戟肉 酒洗二兩 小茴 炒二兩

肉蓯蓉 酒洗二兩 胡桃肉 三兩 搗如泥膏 紅枸杞 二兩

右為末同胡桃膏和搗勻加煉蜜為丸

治虛寒腰痛奇方並治胸前漏竅流汁

好鹿茸 火燎去毛酥炙微黃二兩 生附子 炮去皮臍二兩

青瑤二分共為末紅枣肉搗細和丸梧子大每服三十九空

心溫酒下只一料全愈

速效散 治腰痛不可忍

川練子

用肉一兩二錢以巴豆去壳五箇同炒赤色去豆

小茴鹽水炒故紙炒各一兩共為末每服一錢熱酒調服

新方治腎虛濕氣腰痛用仲杜苡仁芡實山藥各一兩仙茅一

兩五錢米泔水浸洗合炖猪肚或小雌雞服忌鉄器

頭痛

頭為諸陽之首以象天六腑清陽之氣丘臟精華之血皆會於

頭為至清至高之處故為天象謂之元首焉言其至尊不可犯

也

凡手之三陽從手走頭足之三陽從頭走足若外國風寒濕
之觸內因痰火濕熱之薰痛由起矣如外感頭痛當察三陽厥
陰蓋三陽之脈俱上頭厥陰之脈亦會於巔諸陰至頸而還故
仲景傷寒論則惟三陽有頭痛厥陰亦有頭痛而太陰少陰則
無之其辨之之法則頭腦額顙雖三陽俱有所會無不可痛然
太陽在後陽明在前額挾鼻與齒少陽在側兩角厥陰在頂巔
而多吐涎此又各有所主亦外感之所當辨也若內傷頭痛則
不得以三陽爲拘矣如本經所言下虛上實過在足少陰巨陽
若厥病篇所論則定六經及手少陰少陽皆有之矣奇病論曰
腦者陰也髓者骨之充也凡痛在腦者豈非少陰之病乎又不

觀海鹽之用八味地黃加牛膝五味以補真水真火上下肅清
立齋之用六味單滋腎水不惟頭痛可除而精神亦倍長矣此
內證外證之異所不可不察也至若真頭痛者其腦盡痛手足
寒且青至節且發久死久發且死蓋四肢爲諸陽之本痛盡腦
而寒至節則元陽虧敗陰邪直中髓海於泥丸宮中非藥所能
愈蓋其根先絕也書曰腦爲髓海受邪則死灸百會穴猛進大
劑參附亦有生者○百會穴在頭顛頂正中經屬督脈頭痛頭
風非二證也淺而近者名頭痛其痛卒然而至易於解散深而
遠者名頭風其痛作止無常愈後偶觸復發也當以表裏虛實
辨之若風寒外襲而痛者此表邪也治宜疎散最忌清降若三

陽邪火內鬱而痛者此裏邪也治宜清降最忌升散其有屢發
而久不愈者或以陰虧於下而虛火乘之則發或以陽虛於上
而陰寒勝之則發無論新病久病皆當因脈因證而詳辨表裏
虛實庶不致誤

活人書云頭痛者陽證也太陽證頭痛發熱惡寒無汗麻黃湯
有汗桂枝湯若已發汗未發汗頭痛如破者連翹葱白湯不止
者葛根葱白湯

東垣曰金匱真言論云東風生於春病在肝俞在頸項故春氣
者病在頭又諸陽會於頭面如足太陽膀胱之脈起於目內眥
上額交巔上入絡腦還出別下項病衝頭痛又足少陽胆之脈

起於目銳眦上抵頭角病則頭角額痛夫風從上受之風寒傷上邪從外入客於經絡令人振寒頭痛身重惡寒治在風池風府調其陰陽有餘則瀉不足則補汗之則愈此傷寒頭痛也

○頭痛耳鳴九竅不利者腸胃之所生乃濕熱頭痛也○心煩頭痛者病在耳中過在手巨陽少陰乃濕熱頭痛也○如氣上不下頭痛者下虛上實也過在足少陰巨陽甚則入腎寒濕頭痛也○如頭半寒痛者先取手少陽陽明後取足少陽陽明此偏頭痛也○有厥逆頭痛者寒犯骨髓髓以腦爲主腦逆故令頭痛齒亦痛○頭痛自有多因古方每以風藥治之者以其高巔之上惟風可到味之薄者陰中之陽自地升天者也然亦有

三陽三陰之異三陽者太陽陽明少陽三陰者太陰少陰厥陰
○太陽頭痛惡風脈浮緊宜川芎羌活獨活麻黃爲主○陽明
頭痛自汗發熱惡寒脈浮緩長實者宜升麻葛根白芷石膏爲
主○少陽頭痛脈弦細往來寒熱其痛連耳根柴胡黃芩爲主
○太陰頭痛必有痠疾體重或腹痛爲痠痺其脈沉緩宜蒼朮
半夏南星爲主○少陰頭痛三陰三陽經不流行而足寒氣逆
爲寒厥其脈沉細麻黃細辛附子湯主之○厥陰頭痛項疼或
吐痰沫厥冷其脈浮緩吳茱萸湯主之古謂太陰少陰二經有
身熱而無頭痛厥陰有頭痛而無身熱茲若身熱頭痛是屬陽
經也又二經雖不上頭然痠與氣壅滯膈中因本經虧損而無

清華之氣上衝邪氣得以乘攻故痛也○血虛頭痛當歸川芎
爲主○氣虛頭痛人參黃芪爲主○氣血俱虛頭痛調中益氣
湯少加川芎冀荆子細辛其効如神○痰厥頭痛所感不一發
時惡心嘔吐痰水甚則手足厥冷吐去痰涎其痛漸減雖由乎
痰然痰之始也必有所致之者故知方者體也法者用也徒
知體而不知用者弊若體用不失可謂上工矣如風痰頭痛宜
以半夏白朮天麻湯主之○風濕熱頭痛宜清空膏主之
立齋治譚侍郎每頭痛必吐清水不拘冬夏喫薑便止立齋曰
此中氣虛寒也用六君子湯加當歸黃芪炮薑而痊
又治商儀部勞則頭痛立齋曰此陽虛不能上升以補中益氣

湯加蔓荊子而痊

久頭痛病畧感風寒便發而至寒月重綿厚帕包裹者此屬熱鬱本熱而標寒世人不識率用辛溫解散之藥暫時得效誤認爲寒殊不知因其本有鬱熱毛竅常疎故風寒易入外寒束其內熱閉逆而爲痛辛熱之藥雖能開通閉逆散其標之寒邪然以熱劑熱病本益深惡寒愈甚矣惟當瀉火涼血爲主佐以辛溫散表之劑以從治法治之則病可愈而根可除也○東垣曰頭重如山濕氣在頭也紅豆散搐鼻取之猶物在高巖之上用射而得也

○丹溪治一人頸項強痛不可回顧作痠客太陽經治以二陳

湯加酒苓羌活紅花服二劑而愈有挫閃及失枕而項強痛者皆由腎虛不能榮筋也六味地黃湯加秦苑

硝石散 治風邪犯腦患頭痛不可忍不問年歲

硝石 人中白等分 冰片少許 石為末用一字吹入鼻中

一方用生蘿蔔搗汁仰臥滴注鼻孔數年之患一注即愈

芎芷石膏湯 治頭痛

川芎 白芷 生石膏搗碎 甘菊花 羌活 藿本各三錢

痛甚者加細辛二錢風盛目昏加防風荆芥穗各三錢熱甚加梔子連翹黃芩薄荷甘草大便秘小便赤加大黃攻之自

愈也

紅豆散 治頭重

羌活 連翹 紅豆 三味等分爲末搐鼻

清空膏 治偏正頭痛風濕熱氣上壅頭目及腦痛不止

羌活 防風 柴胡 川芎 黃芩 黃連 甘草

若痛甚者加細辛熱甚便秘者加大黃

菊花散 治風熱上攻頭痛不止

甘菊花 石膏 搗碎 防風 旋覆花 枳殼 羌活

蔓荊子 搗碎 甘草 薑水煎服

○若連眼痛加白芷以開之

芎歸湯 治着濕頭痛身重眩暈痛極

附子 白朮 川芎 桂心 甘草 薑棗水煎服

東垣半夏白朮天麻湯 治眩暈及足太陰痠厥頭痛

半夏三錢 白朮 神麩炒 麥芽 陳皮各二錢 人參 黃芪

茯苓 蒼朮米汁水炒 天麻姜水炒 澤瀉各一錢 黃柏 乾薑炒各七分

祛風清上丸 治風熱上攻眉稜骨痛

黃芩酒炒 白芷 川芎各二錢 防風 柴胡 羌活各二錢

荆芥一錢半 甘草七分 水煎食後服

芩辛導痰湯 治痰厥頭痛

川芎 細辛 南星 橘紅 茯苓各二錢 半夏二錢

枳實一錢半 甘草一錢 ○如挾風熱甚者加石膏三錢菊花

三錢薑水煎服

益門

新加王壺丸

治風痲頭痛亦治諸痲

五和

生南星

一兩生薑六錢搗爛同炒微焦去姜不用

生半夏

一兩亦用生薑六錢搗爛同炒微焦去姜不用

天麻

白礬各五錢

共為細末用極細末米麵糊為丸如梧子

大每服三十九丸白湯送下

順氣和中湯

治氣虛頭痛此藥升陽補氣

黃耆

二錢人參錢半

炙甘草

白朮

當歸

白芍各一錢

升麻

柴胡各七分

細辛

蔓荊子各五分

川芎

一錢

芎歸湯

治血虛頭痛

川芎

當歸

白芍

一方加甘菊去心蒂

定或受之

六二、頭痛

二十

芎藭丸 治年久偏正頭 不聞香臭

川芎 石膏 薄荷各四兩 人參 茯苓 炙甘草

細辛各二兩 犀角挫末生用 梔子各一兩 阿膠蛤粉炒 麥冬去心

硃砂四兩內用一兩為衣 右為細末蜜丸彈子大硃砂為衣每服二

丸食後茶清化下

古一婦人患偏頭痛鼻塞不聞香臭常流清涕或作臭氣遍服

頭痛藥不効人無識此或曰腦癰服芎藭丸不十數服忽作嚏

涕突出一錠稠膿其疾遂愈

八味地黄丸 見補益門依本方加牛夕五味

六味地黄丸 見補益門

麻黃湯 見傷寒門

桂枝湯 見傷寒門

連鬚葱白湯 治傷寒已汗未汗頭痛如破

連鬚葱白 四兩 搗爛 生薑 水煎服

葛根葱白湯 治傷寒已汗未汗頭痛

葛根 三錢 芍藥 川芎 知母 各二錢 生薑 三錢 連鬚葱 七

水煎服

吳茱萸湯 治嘔而胸滿乾嘔吐涎沫頭痛及食穀欲嘔者此

方王之

吳茱萸 五錢 滾水 浸洗二次 生薑 五錢 切片 人參 三錢 紅棗 三枚 擘 水煎服

調中益氣湯 治濕熱所傷體重煩悶口失滋味或痰嗽稠粘

寒熱不調體倦少食等證

黃芪三錢 人參 炙甘草 蒼朮各二錢 橘紅 廣香磨對服

柴胡 升麻各一錢 按此方有濕者宜用若血氣俱虛者不若

用補中益氣湯更妙依本方加川芎蔓荊子細辛

六君子湯 見補益門依本方加當歸黃芪炮薑治中氣虛寒

補中益氣湯 見補益門

二陳湯 見痺證

清震湯 治雷頭風頭痛結核塊頭面起疙瘡痰火上升壅於

氣道兼於風化或似聞雷之聲或以其發如雷之速故名

升麻 蒼朮 薄荷各二錢 荷葉一箇 煎水服

草本方 治偏正頭風百藥不效天下第一方也

香白芷 二兩五錢炒 川芎 一兩炒 甘草 一兩炒 川烏頭 一兩半炒半生

共為末每服一錢細茶薄荷湯調下

面病

帝曰首面與身形也屬骨連筋同血合於氣耳天寒則裂地凌
冰其卒寒或手足懈怠然而其面不衣何也岐伯曰十二經脈
三百六十五絡其血氣皆上於面而走空竅其精陽氣上走於
目而為睛其別氣走於耳而為聽其宗氣上出於鼻而為鼻其

濁氣出於胃走唇口而爲味其氣之津液皆上燻於面而皮又厚其肉堅故天氣甚寒不能勝之也帝曰何爲五官岐伯曰鼻者肺之官也目者肝之官也口唇者脾之官也舌者心之官也耳者腎之官也帝曰以官何候岐伯曰以候五臟故肺病者喘息鼻張肝病者皆青脾病者唇黃心病者舌卷顙赤腎病者顙與顏黑以五色命臟青爲肝赤爲心白爲肺黃爲脾黑爲腎肝合筋心合脈肺合皮脾合肉腎合骨也東垣曰飲食不節則胃病胃病則氣短精神少而生大熱有時而火上獨燎其面蓋陽明經多氣多血又兼挾風熱上行諸陽皆會於頭面故令面熱如醉治宜先爲散其風熱或以調胃承氣湯加黃連犀角疎下

兩三行徹其本熱散風熱以升麻湯加黃連主之

難經云人面獨能耐寒者何也蓋頭者諸陽之會也諸陰脈皆至頸項中而還獨諸陽脈皆上至頭而惟足陽明胃脈起鼻交額中人上齒中挾口環唇循頰車上耳前過客主人故人之面部陽明之所屬也其或胃中有熱有鬱火則面熱升麻湯加黃連胃中有寒則面寒宜先以附子理中湯溫其中氣次以升麻湯加附子主之若風熱內甚而上攻令人面目浮腫或面鼻色紫或風刺癢疹隨症治之

凡面浮腫有虛實兩端實者或熱或痛多由於胃蓋胃主面腸胃爲市因飲食之熱毒聚於中而發於外或木火熾盛而濕熱

上浮其脈必滑數此邪之有餘也若虛浮腫者無痛無熱多因於脾或以勞倦或以色慾或以瀉痢或以中寒其脈必微弱氣必虛餒是也此其中或宜補宜瀉宜清宜散均當詳辨明白

○古一人登側被臭氣燻觸隱忍良久明日滿面皆黑色月餘不散相士斷云不出月餘必死一良醫令以沉香檀香各一兩挫碎安爐中燒燻帳中以被蓋定令病者瞑目端坐候香盡方可出帳明日引鏡照之面上黑色漸散矣蓋臭腐屬水香屬土上勝水也

升麻黃連湯 治面熱此係陽明風熱也

升麻 葛根 各三錢 甘草 一錢 白芍 白芷 黃連 酒炒

黃芩酒炒生犀角挫末對服川芎荆芥穗薄荷各二錢

升麻附子湯治面寒此係陽明虛寒也

升麻葛根白芷黃芪附子各三錢人參二錢甘草炙

草豆蔻益智仁各一錢連鬚葱頭五莖水煎服

清熱防風散治上焦火盛面上生瘡

防風連翹桔梗白芷各二錢黃芩川芎各錢半

荆芥穗黃連薄荷枳殼各一錢甘草五分山梔一錢
研細

水竹油對服

清肺飲治肺經有火面生粉刺

黃芩連翹川芎白芷各三錢荆芥苦參桑皮

貝母 山梔各二錢半 黃連 一錢 甘草 七分 水煎臨臥服

廓清飲 治飲食不節陽明壅塞二便秘結而頭面滿脹小兒

多有此證或通身腫脹或肚腹單脹氣實非水等因

枳殼 大腹皮各三錢 厚樸二錢半 白芥子 二錢 搗陳皮 各三錢

蘿蔔子 一錢半生搗如中不甚脹能食者不必用此 茯苓連皮用三錢 澤瀉 水煎服

○如多火小水熱數者加梔子木通○如身黃小水不利者加

茵陳○如小腹腫滿大便堅實不通者加生大黃○如肝滯

脇痛者加青皮○如氣滯胸腹疼痛者加烏藥香附搗○如

食滯者加山查麥芽

六味地黃湯見補益門 治腎虛氣越面日浮腫

參苓白朮散見補益門治脾胃虛弱飲食不進嘔吐泄瀉或久

瀉或火病後氣虛不飲面目虛浮

葛花解醒湯 治飲酒太過痰逆嘔吐心神煩亂胸膈痞塞手

足顛搖飲食減少小便不利濕熱上聚面目浮腫等證

人參 白朮 茯苓 砂仁 白蔻 葛花各二錢 青皮

陳皮 猪苓 澤瀉各一錢半 神麩一錢 木香挫末七分對服

生薑三片水煎稍熱服取微汗酒病去矣

栝連散 治面生惡瘡熱毒

杏仁 胡粉 黃栢炙 黃連各等分 為末猪油調敷瘡上

治指甲抓破面 用生薑自然汁調真輕粉傳破傷處無痕

面鼻雀斑

白芷 甘菊花 各三錢
白菓 二十個
紅棗 十五箇
珠兒粉 五錢

猪胰子 一個
右將珠粉研細餘俱搗爛拌勻外以蜜拌酒

釀頭化人前藥蒸過每晚擦面

治赤紅爛臉

水銀 一錢
栢油蠟 一錢
共搗塗之

治面上瘡鼻酒刺

雄黃 一錢
硫黃 五分
鉛粉 一錢
共為末每晚乳汁調塗之

點痣去斑

好礪石灰三錢
巴豆仁七個為末同研勻
鹹水調稀糊揀好

糯米粒全者藏於稀糊中候米色變如水晶將粘用針微微撥破以米膏點之三日不洗自然脫落

口舌

經曰中央黃色入通於脾開竅於口藏精於脾故病在舌又曰心脈繫舌本脾脈絡舌旁繫舌下故發為病或生瘡或重舌重舌者心脾有熱舌腫舌下有形如舌故曰重舌或木舌木舌者乃舌腫硬不和亦係有火故曰木舌或為糜爛生瘡之類皆二經之所致也然肝脈亦絡舌本故風寒中則舌捲縮醫統曰七情所鬱及心經熱壅則舌腫滿不得息心熱則舌裂而瘡肝熱

則舌木而硬脾熱則舌澁而胎肺熱則舌強熱甚則舌燥如鋸
舌卷萎縮者不治厥陰絕也

經曰脾胃大腸小腸三焦膀胱者倉廩之本營之居也其華在
唇且肝脈督脈衝脈任脈皆絡於唇一有受邪則唇爲之病凡
唇白者主吐涎嘔逆諸失血症也唇黃者主脾受積熱也唇紅
紫者主虫嚙積痛也唇青者主血虛脾寒也又唇紅者主煩燥
渴飲也復有傷寒狐惑上唇生瘡蝨食其臟下唇有瘡蝨食其
肛者然唇者肌肉之本也人中平滿者爲唇反唇反者肉先死
也口舌生瘡固多由上焦之熱治宜清火然有酒色勞倦脈虛
而中氣不足者又非寒涼可治當察其所由或補心脾或滋腎

水或用理中湯加附子反而治之

古方書多以口病指爲熱證謂肝熱則口酸心熱則口苦脾熱則甘肺熱則口辛腎熱則口鹹胃熱則口淡不知此症有上焦虛熱中焦虛寒下焦陰火各經傳變所致當分別治之如上焦虛熱作渴口瘡者宜補中益氣湯加麥冬五味子之類如中焦虛寒手足冷肚腹痛大便不實飲食少思口瘡者宜附子理中湯之類如下焦陰火虛熱作渴吐痰便數口瘡者宜六味地黃丸之類如晡熱內熱不時而熱血虛也用八物加丹皮五味麥冬如食少便滑而黃肢冷火衰土虛也用八味丸若熱來復去晝是夜伏夜是晝伏不時而動或無定處若從脚起乃無根

之火也亦用八味丸反十全大補湯加麥冬五味更以附子未
睡津調敷湧泉穴若概用寒涼損傷生氣爲害匪淺察口渴與
口乾不同渴因火燥有餘乾因津液不足然渴雖云火而亦有
辨如實熱之渴火有餘也亡陰之渴水不足也故凡於大瀉之
後大病之後新產失血之後癰疽大潰之後皆能作渴凡此數
者悉由亡陰水陰枯涸而然不得誤認爲火總之渴而喜冷脈
實便結固火症也或口雖作渴而但喜熱飲及脈弱便溏者皆
非火症也若口雖乾苦而不欲茶湯者此乾也非渴也尤屬陰
虛之候故治此之法凡火盛於上者宜清肺胃水屬於下者宜
補脾腎如不知此徒以寒涼爲事則陰道愈虧益增其害矣

舌乃心之苗本紅而澤若上黃胎而焦澁者胃有熱也上黑胎而生芒刺者則熱更深矣但胎均澁而不滑或兼形氣俱實便燥大渴脈沉有力爲陽實之症固宜用寒涼之劑以清之自可全愈不必疑也其有元氣大虛而陰邪獨見者其舌亦能黃黑真水虧涸者其舌亦乾焦但脈弱無力形衰氣微舌胎帶潤滑而不燥澁爲寒水乘心虛火被迫炎上火不歸元之症卽宜以甘溫壯水之藥大劑進之以救其本若而不辨明而僅以舌黃舌黑悉爲實熱則陰虛之證萬無一生矣

醫統治一人舌腫滿口諸藥不效以梅花水片爲末傳之卽消正傳治舌腫大塞口不通飲食用真蒲黃一味頻刷舌上其腫

自退若能嚙藥卽以黃連一味煎濃汁細細呷之以瀉心經之火則愈

一人舌腫舒出口外係心脾二經之火經所謂熱勝則腫用草麻子去殼紙包裹搥爛出油使油透紙作撚燒烟薰之而愈
有一人上則口瘡糜爛下則泄瀉此證古經未載以理推之雖云屬熱然其上發口糜下瀉卽止其下泄瀉方止口糜卽生觀其上下相移之情狀亦必因虛熱之所爲也心脾之熱故上發口舌瘡爛胃主消化水穀小腸主盛受消化心脾之熱下移小腸胃府則運化之職失矣故下注泄瀉也豈酌擬之上口糜發時可用瀉心導赤散下泄瀉時可用參苓白朮散若小便甚少

下利不止則爲水走大腸宜用茯苓車前子二味各等分煎湯
時時代飲利水導熱若服寒涼藥口瘡不愈更爲虛火上泛宜
用理中湯加肉桂倍加茯苓降陽利水降陽則口糜自消利水
則泄瀉自止可並愈也

導赤散 治心熱口糜舌瘡小便黃赤莖中作痛熱淋不利

生地五錢木通三錢甘草稍一錢半淡竹葉二十片水煎服

一方加人參麥冬

導赤者導心經之熱從小腸而出以心與小腸相表裏也然
所見便赤不利等因皆心移熱於小腸之證故不用黃連直
瀉其心而用生地滋水涼心木通通利小腸佐以甘草稍取

其易瀉最下之熱莖中之痛可除心經之熱可導也此則水
 虛火不實者宜之以利水而不傷陰瀉火而不伐胃也若心
 經實熱須加黃連甚者更加大黃亦釜底抽薪之法也

涼膈散

治心熱口瘡及小兒痘瘡黑陷等證

連翹為君

四錢

黃芩

酒炒

梔子

炒

薄荷

桔梗

各三錢

淡竹葉

二十片

甘草

一錢半

此方治上焦諸熱便不實者宜之若火盛便秘

減去桔梗加大黃芒硝所謂熱淫於內治以鹹寒佐以甘辛
 故以連翹黃芩竹葉薄荷散火於上而以大黃芒硝之猛利
 蕩熱於中使上升下行而膈自清矣再加蜂蜜對服用甘草
 蜂蜜者病在膈間以甘緩之也

清金導赤散 治心肺蘊熱口瘡咽痛小便淋濁

黃連 黃芩 梔子 木通 澤瀉 生地 麥冬

甘草稍

新方玄地二冬丸 治虛火上浮口瘡連年不愈

天門冬去心 麥門冬去心 云參 生地黄各二兩 右為末密

丸彈子大石膏末為衣每服一二丸嚙化下若日久色淡瘡

白時痛不痛亦屬虛熱宜清心蓮子飲知栢四物湯補中兼

清可也或服涼藥久不愈者以七味地黄湯冷服引火歸原

不效甚者加附子各八味地黄湯可立愈也

清心蓮子飲 治熱在氣分口乾作渴小便淋濁或口舌生瘡等證

石蓮肉 人參 黃芪 茯苓 柴胡 黃芩炒 地骨皮

麥冬去心 車前子各三錢 甘草一錢 參耆甘草補陽虛而瀉火

東垣曰參耆甘草助氣化而達州都 勝胱也氣地骨退肝腎之

草瀉火之聖藥 虛熱柴胡散肝膽之火邪黃芩麥冬清熱於心肺上焦茯苓

車前子利濕於膀胱下焦中以石蓮子清心火而交心腎則

諸症悉退也

知栢四物湯 卽補益門四物湯加黃栢知母是也此方治療

色白屬血虛者宜之

七味地黃湯 卽補益門六味地黃湯加肉桂是也此方能引

無根之火降而歸元又於本方內加附子名八味九張仲景

用此丸治漢武帝消渴喻嘉言曰下消之症飲水一斗小便亦一斗故用此以折其水使不順趨夫腎水下趨則消腎水不上騰則渴舍此安從治哉金匱用此方治脚氣上入小腹不仁又治婦人轉胞小便不通更其名爲腎氣丸蓋取收攝腎氣歸元之義

理中湯

其霍乱依本方加附子

補中益氣湯

其補益門依本方加麥冬五味子

六味地黃丸

其補益門

八物湯卽八珍湯

其補益門依本方加丹皮麥冬五味子

八味丸

其補益門

十全大補湯 見補益門依本方加麥冬五味子

新方瀉心導赤散

生地五錢 黃連 木通各三錢 甘草稍一錢 麥冬三錢去心

淡竹葉二十片 人參二錢

參苓白朮散 見補益門

聖惠方 治口瘡糜爛用好大黃枯明礬等分爲末擦之吐涎

口疳吹藥神方

冰片二分 西牛黃一分 人中白煨二錢 麝香一分 銅青五分

共研極細先用冷濃茶洗淨口吹藥少許候痰涎盡再吹

一二次即愈

香薷散 治口臭香薷煎濃湯含之丹溪云香薷能治口臭神如

治口瘡 用硃仁火煨存性為末搽上即愈

又方用檳榔火煨存性為末入輕粉傳之

內附治口臭方 用連翹為末糊丸食蒜韭之後茶吞二三錢

口中濁氣化為清氣甚效

黃連朴硝散 治口瘡絕妙

黃連 朴硝 白礬各五錢薄荷葉一兩 右為粗末用臘月

黃牛胆將藥入胆內風前掛兩月取下如遇口瘡旋將藥研

細敷之去其熱涎即愈

冰蘗丸 治舌瘡口瘡

薄荷葉蘇州者佳 黃栢各三錢 礪砂一錢半 水片一分

右為末生蜜丸彈子大每服一丸噙化

口角瘡爛方 用亂頭髮煨存性為極細末猪油調敷

玄參散 治滿口生瘡並舌連齒斷爛痛

玄參 黃芩 黃栢 梔子仁 大黃 前胡 獨活

犀角屑 麥冬 升麻 炙甘草各等分 水煎溫服

一方治口舌生瘡係心火鬱熱用

黃連三錢 葛蒲一錢 水煎服

眼目

經曰五臟六腑之精氣皆上注於目而爲之精精之窠爲眼氣
之精爲白眼筋之精爲黑眼骨之精爲瞳子血之精爲絡皆肉
之精爲約束卽眼胞也裏擷筋骨血氣之精而與脈系上屬於
腦後出於項中其瞳子黑眼法於陰白眼赤脈法於陽故陰陽
合德而爲精明也是以五臟六腑十二經脈三百六十五絡其
血氣皆稟受於脾土上貫於目而爲明故目者心之使也心者
神之舍也若精神亂而不守卒然見非常之怪邪中其精則精
散而視岐且人之有兩眼猶天之有日月也日月有時晦者風
雲雷雨之所致也眼目有時失明者四氣七情之所害也凡在
腑爲表當除風散熱在臟爲裏當養血安神如暴赤腫痛昏澁

翳膜眵淚班瘡入眼皆表也風熱也宜表散以去之如昏弱不
欲視物內障見黑花瞳神散大皆裏也由血少神勞腎虛也宜
養血補水安腎以調之如古方之多用枳殼柴胡是散火抑氣
之意也多用歸芍地黃是補血滋水之意也若使血能配氣水
能制火則目疾自無由而作矣

眼科有五輪曰肉輪血輪氣輪風輪水輪屬臟有八廓曰水廓
風廓天廓地廓火廓雷廓澤廓山廓屬腑又有七十二證之辨
種種議論反致後學無所適從不若以內障外障兩條辨之則
目證雖繁自能了然矣何謂內障障者遮蔽也內障者從內而
蔽也內障之病因喜怒憂思悲恐驚七情所傷臟腑內損精氣

不上注於目但不紅腫熱痛惟瞳人色變而其光失明此屬不足之證也當以補精益氣爲主若外障者因風寒暑濕燥火六氣也外障之病皆因六淫所感然必因其人內熱外蒸腠理不密相召外邪乘虛而入入項屬太陽入面屬陽明入頰屬少陽各隨其經之系上頭入腦中而爲患於目但赤痛熱腫眵淚翳膜遮睛此屬有餘之證也當以散熱除風爲主

眼科有風熱之說今醫家無論有風無風多從散治景岳謂風本陽邪然必有外感方是真風因風生熱者風去火自息此宜散之風也如防風羌活白芷細辛川芎升麻荆芥薄荷之類皆升散之藥固宜用也此所謂宜升者不宜降是也若夫本無外

感止因內火上炎而爲患者蓋木屬肝肝主風因熱極而生風者熱去風自息係陰火上熾此只宜降者也如黃芩黃連梔子黃栢生地羚羊角之類皆清熱之藥固宜用也此所謂宜降者不宜升是也若用藥不精自相掣肘多致輕者反重業此者可不察其陰陽升降之道哉至於翳障不論內障外障皆生凡翳多由於肺金受熱雖曰翳自熱生然治法必當察其虛實若果暴赤多眵痛生翳膜者此屬實也自當清熱兼以退翳若不甚赤痛而有翳膜者此屬虛也宜先退翳若亦純用清涼藥則血爲之凝而翳反難退矣凡退翳藥如木賊蟬蛻白蒺藜蜜蒙花青箱子草決明石決明夜明砂之類皆所宜用

龍木禪師曰人有雙目如天之有兩曜乃一身之至寶聚五臟之精華凡所患者或因過食五辛多啖炙煇過飲房室之害極目遠視頻撓心火夜讀細字抄寫雕鏤久被烟火泣淚過多刺頭出血太甚若此者俱散明之本復有馳驅田獵衝冒塵沙亦傷目之由又有少壯之時不自保惜逮至四旬以漸昏蒙故善衛養者每無事時常冥目勿視非有要事不輒開眼則雖老而視不衰大抵榮衛順則斯疾無由而生榮衛衰則致病多矣且傷風冷則淚出虛煩則昏蒙勞力則背赤白腫則肺家受毒生瘡則風熱浸肺黃乃酒傷於脾血灌瞳人及赤色俱是心家有熱羞明則紅花爲肝邪黑花爲腎虛青花胆有寒五色花爲腎

虛有熱不可一概爲治若虛不補而實不瀉亦難收效然上虛
乃肝下虛乃腎肝虛則頭暈耳聾目眩腎虛則虛壅生花耳作
蠅鳴大宜補肝益腎其有熱淚交流兩臉赤痛乃肝之熱極迎
風有淚爲腎虛客熱涼肝瀉腎必得其宜至於五臟各以類推
虛則生寒實則生熱補瀉之用須則參詳毫釐之差千里之謬
餘則無非有所觸動或大病之後所患不一至於暴赤一證多
因泛熱衝上或眠食失時飽食近火得之加以勞役失於調攝
過食毒物變成惡證醫者不源本始但知暴赤屬陽或以散血
之劑或以涼心之藥縱使退散遂至脾經受寒飲食不進頭目
虛煩五臟既虛因成內障亦有見其不進飲食俾更服熱藥遂

至暴燥熱氣上攻昏澁眵淚或犯盛怒辛苦重勞遂生努肉心
氣不寧風熱交併變爲翳睛證狀不一是爲外障又如讀書博
奕等勞過度名曰肝勞不可但投以治肝之劑及作他證治之
終於罔效惟須閉目珍護不及遠視庶乎疾瘳若乎患風疹者
必多眼暗先攻其風則暗自去婦人胎前產後用藥亦須避忌
小兒所患切宜善治惟畧加淋洗若披鎌鉞灸斷不可用猶戒
用手頻揉或因茲睛壞至於莫救以上諸證專是科者宜留意
焉東垣治眼楞緊用參芪補氣爲君佐以辛味疎散而忌芍藥
五味之酸收治瞳子散大用地黃補血爲君佐以五味子酸味
收斂而忌茺蔚子青箱子之辛散蓋以陽主散陽虛則眼楞緊

急而爲倒睫拳毛陰王欽陰虛則瞳子散大而爲目昏眼花一
開一闔大有徑庭矣

○如脈緩氣弱陽虛者亦宜以參芪朮草治之

○眼科多用羚羊角者以其入厥陰肝經最捷且清肺也須知
惟翳在黑珠而有熱者宜之

○外障目病張子和曰目不因火不病何以言之氣輪白睛變
赤火乘肺也肉輪目胞赤腫火乘脾也風輪黑睛火乘肝也水
輪瞳人火乘腎也血輪兩眦火自甚也故能治火者一旬便了
也若夫內障目病縱或兼熱亦屬虛熱故不赤腫疼痛如不病
眼人但不精彩光明也心虛則神不足神者火也火能外鑑茲

不能而失其明是真火虛也明矣腎虛則精不足精者水也水能內照茲不能而失其明是真水虛也明矣心虛者則養心神腎虛者則壯腎水治目者又豈可專以去火爲事哉

五輪雖分五臟實肝腎致病居多非肝榮不足暴赤腫痛卽腎

水有虧昏花內障氣虛則目無精光血虛則黑睛散大除初病

風熱應用疎散清涼外其餘俱宜滋榮補水爲主若陽不足者

補水之中莫宜兼補真陽庶能濟其光明之用矣

薛立齋

治張給事目病昏花服祛風散熱藥不效脈大而虛此

因勞

勞心過度飲食失節用補中益氣湯加茯神棗仁山藥山茱

五味頓愈又治一人酒色過度兩目腫痛其脈兩尺洪大以六

味地黄湯加麥冬五味數劑頓明此皆治本之法也

丹溪治一人目忽不見他無所苦丹溪曰此陽氣大虛也可急煎人參膏與之服二三日果明

一人好飲熱酒忽目盲脈瀯此因熱酒所傷胃中污濁之血凝滯於內阻膈清陽之氣不能歸於目也朱丹溪以蘇木作湯調人參末與之服二日鼻及手掌皆紫黑此係滯血已行乃與四物加蘇木桃仁紅花陳皮煎調人參末服數日而愈此丹溪以血蓄於中則沖和胃氣傷矣故消瘀藥中佐以人參則胃氣得以行蓄血因之下滯既去而元氣無傷眼目自著光明之用矣東垣治一婦人目翳綠色自下而上知其陽明來也但綠非五

臟正色殆肺腎相合而爲病也乃就畫家以黑調膩粉合成色
諦視之與翳同則肺腎爲病無疑矣乃以瀉肺腎之邪爲君以
陽明藥爲使服之甚效他日復病者三其所從來之經與翳色
各異因思必經脈不調以致目病不已詢之果然遂用養血滋
陰藥作丸服之而永不發觀此則辨色分經詎可忽哉

薛立齋曰目病眵多繫澁亦脈貫睛或臟腑秘結者用芍藥清
肝散若赤翳布白畏日羞明或痛如刺者上焦風熱也用黃連
飲子若久視生花畏日遠視如霧者神氣傷也用神效黃芪湯
大凡午前甚而作痛者東垣助陽和血湯午後甚而作痛者黃
連天花粉丸午後甚而不痛者東垣益陰腎氣丸王之

景岳曰凡目能近視不能遠視者陽氣不足也能遠視不能近視者陰氣不足也

凡目病因外感而起者必頭痛寒熱或鼻塞骨疼等症脈見緊數或浮洪先宜表散人皆易知至若內因之症其中虛實之殊人多易忽茲特表之如暴赤腫痛脹悶難開翳膜眵淚斑瘡入睛皆實症也治當消風清熱如久病昏暗青盲雀目五色花翳迎風流淚皆虛症也治宜滋陰補陽蓋目之所以能光明遠近者陽之用也濟之以令光明不竭者陰之力也至於有病陰虛則熱腫脹紅赤眼珠刺痛夜則尤甚雖病而視物猶見者爲邪火熾盛是陰病而陽不病也宜六味湯以補真陰陽虛則寒白

睛遮睛珠不甚痛或全不痛仍能開目而視物不見者爲真火不足是陽病而陰不病也宜八味湯以補真陽不特此也推而論之萬病皆然第愚醫學自仲景以後英賢叠出其間豈無闡揚幽隱之士然欲舍仲景之法而更出他奇者誠不少概見矣即如張上谷劉河間李東垣朱丹溪及張景岳輩人咸稱爲名醫而核其治法要旨亦莫不皆從仲景八味等湯而擴充者也今人不識多揀本草補藥任意加減不知造化之理皆生於無形仲景之八味亦係從無形而生出有形者也正所謂水中求火其明不滅火中求水其源不竭平沒神奇實爲天下第一也

新方祛風散寒

治因風寒眼目暴發赤腫痛澁增寒壯熱

鼻塞聲重頭痛身疼脈見緊數或浮洪宜先以此表散

菊花 桔梗 赤芍 羌活 防風 白芷 柴胡

黃芩 各三錢 薄荷 川芎 枳殼 荆芥 各二錢

甘草 七分 細辛 升麻 各一錢半 石膏 二錢搗爛生用

○如風寒盛者加麻黃○如火盛者加黃連○如氣滯血凝眼

腫者加連翹○如大便秘結加大黃○如小便赤澁熱蓄膀胱

加滑石山梔炒黑搗碎

新方加減洗刀散 治眼暴發赤痛翳膜多眵隱澁難開等症

歸鬚 防風 桔梗 羌活 木賊 柴胡 青箱子

菊花 黃芩 連翹 草決明 薄荷 各三錢 川芎

赤芍

獨活各二錢

白茯苓

三錢 炒 去粗

重退去粗是 二錢

蔓荊子

三錢 搗碎

甘草七分

○如火盛者加黃連三錢○如

臟腑結澀者加大黃三錢

光明散

治眼赤腫痛不可忍者皆由心所致也並一切翳障

等疾

生地

白芷

羌活

薄荷

防風

荆芥

木賊

甘菊花

草決明

連翹

黃連

黃芩

桔梗

歸身

各三錢

川芎

獨活各二錢

大黃一錢

甘草七分

四順清涼飲

治眼內有點初生如星色白或黃漸漸變大者

或有糠無糠所變不一為禍則同即宜服此

當歸 龍胆草 黃芩 桑皮 生地 車前子

防風 黃連 木賊去節 羌活 柴胡各三錢

大黃二錢酒炒
三次熱 枳殼 川芎各二錢 炙甘草一錢

新方三黃清熱湯 治內火上炎兩目赤痛眵多眊燥緊澀

明赤脈貫睛臟腑秘結

黃連 黃芩各三錢 黃栢三錢酒炒 梔子 生地 家菊花

赤芍 石決明煨各三錢 羚羊角挫末三錢 川芎二錢

蟬花散 治肝經風熱青氣上攻眼目赤痛及一切內外翳障

蟬蛻去羽足 甘菊花 穀精草 羌活 甘草炒

草決明 白蒺藜炒去刺 梔子炒 防風 蜜蒙花

荆芥穗

木賊去節

川芎

蔓荆子

黃芩各等分

右為末每服二三錢食後茶清調下

還睛散

治翳膜遮睛昏澁淚流瘀血努肉攀睛

川芎

龍胆草

草決明

荆芥穗

甘菊花

羌蔚子

楮實子

白茯苓

以上各一兩

白蒺藜

炒去刺

木賊去節

甘草

以上各七錢

川椒炒出汗

石決明

一兩

共為末每服二三錢食後茶清調下日三服忌一切鷄魚厚

味及菘麥麩等熱物

八味還睛散

治肝肺停留風熱翳膜遮睛痛澁眵淚

白蒺藜

炒去刺

防風

甘草

木賊

去節

山梔仁

炒各七錢

草決明一兩 青箱子三錢 蟬蛻去羽足 三錢

右為細末每服二三錢食後來冬湯調下

滋陰地黃丸 東垣方 治足三陰虧損虛火上炎致目睛散大視

物不的或昏花緊澁作痛羞明兼膠多燥熱赤爛者

熟地一兩 歸身酒洗 黃芩各五錢 天冬 甘草炙

枳殼 柴胡 五味子各三錢 人參 地骨皮各一錢

黃連三錢 生地酒洗一兩五錢 煉蜜丸桐子大每服百丸食前清

茶湯下日三服

助陽和血湯 東垣方 治眼發之後猶有上熱白睛赤色癰澁

開而多眵淚等症

黃芪蜜炙

當歸酒洗

柴胡

炙甘草

防風各一錢五分

升麻 蔓荊子

白芷各一錢

黃連飲子

治眼暴發赤痛

黃連酒炒

黃芩酒炒

龍胆草

生地

柴胡各二錢

升麻一錢

神效黃芪湯

治渾身或頭面手足麻木不仁目緊縮小及羞

明畏日視物不明

黃芪二錢

人參

炙甘草

蔓荊子

白芍各一錢

陳皮五分

水煎臨臥服如麻木不仁雖有熱證不得用栝

黃連天花粉丸

治兩眼赤痛眵多非燥緊澁羞明赤脈貫睛

臟腑秘結

黃連 酒炒

天花粉

家菊花

川芎

薄荷葉

連翹 各一兩

黃芩

梔子 各四兩

黃柏 六兩酒炒

共為細末滴水丸桐子大或用蜜丸每服八九十九食後茶清送下

益陰賢氣丸

治陰虛目昏不明等證

熟地 三兩

生地 二兩

山藥

山茱萸

茯苓 各二兩半

五味 一兩

澤瀉

丹皮

當歸

柴胡 各二兩 蜜為丸

除風湯

治目病不愈久則變為五風內障之證五風者黃絲

青烏黑是也言黑眼變成此色如黑眼黃色謂之黃風之類

此湯初患五風有餘者宜之

鈴羊角 挫末二錢 玄參 車前子 茯苓各二錢

蟬退 只用尾五分 白芍藥 黃芩 各一錢 芒硝 大黃各一錢

水煎食後溫服

通明補腎丸 治初患五風不足者宜之

石決明 煨 桔梗 車前子 白芍藥 各一兩 人參

生地黃 酒洗 菟蔚子 各二兩 細辛 五錢 大黃 三錢

右為末蜜丸如桐子大空心茶清送下三錢

細辛湯 治倒睫拳毛此症由皮鬆弦緊故拳毛倒入內刺睛

珠或眼胞赤爛癢而兼疼乃脾熱肝風合邪上壅所致宜用

此湯清熱散風

細辛 知母 玄參 大黃 各一錢 羌蔚子 防風

桔梗 羚羊角 挫末各二錢

生地黄散 治被物撞傷眼目或因打撲睛珠脹痛眼胞青紫

腫閉難開先用燈草將眼皮翻出刮破散去瘀血外用生地

黃酒浸搗爛厚敷眼上內服此藥

生地黄 川芎 羚羊角 挫末 赤芍藥 枳殼 各二錢

廣木香 挫細末一錢對服 水煎食後溫服

經效散 治眼目因撞刺日久瘀血凝積致生翳膜赤脈滿目

澁痛淚出宜用此藥清熱散瘀

柴胡二錢 歸尾 赤芍 犀角一拉末各一錢 大黃一錢

甘草稍五分

加減四物湯 治風赤瘡癢起於兩眦其黑睛端然無恙惟臉爛紅赤乃脾經風熱上攻所致宜急治之从則恐生翳膜遮

蓋瞳睛

生地黃 當歸 川芎 赤芍藥 苦參 牛蒡子搗碎

天花粉 薄荷 防風 荆芥穗 連翹 以上各二錢

地芝丸 治能遠視不能近視者因陰精不足光華散乱不能

收斂於近也宜久服此丸以養陰

生地黃焙乾 天門冬去心各四兩 菊花三兩 枳殼去穢炒二兩

蜜為丸桐子大每服百丸食後茶清下

定志丸 治能近視不能遠視者因陽氣不足光華不能發越

於遠也宜服此丸補心壯神

菖蒲 二兩 人參 一兩 白茯神 一兩 遠志 甘草水煎
去心一兩

硃砂 三錢 研 右為細末蜜丸桐子大硃砂為衣每服五十

丸食後米湯送下

十珍湯 治虛損血枯上攻目痛滋陰降火養血清肝

生地 二錢 當歸 一錢半 白芍 地骨皮 知母

丹皮 童便 浸炒 天冬 去心 麥冬 去心各 一錢 人參

甘草 稍 各五 分

明目地黄丸 治腎虛目暗本方即六味地黃湯加紅杞三兩

菊花三兩五味一兩當歸三兩

黃連羊肝丸 治目中赤脈紅甚眵多風毒上攻昏睛等證

川黃連二兩研細用白雄羊肝去筋膜四兩忌鐵器竹刀切

片瓦上焙乾搗細末煉蜜爲丸或加熟地生地紅杞青箱子

楮實子當歸麥冬去心甘菊花各二兩澤瀉一兩

簡要夏枯草散 治目珠痛夜則痛甚或用苦寒藥點上反痛

甚者神效蓋夏枯草夏至陰生則枯真純陽之氣以勝濁陰

補養厥陰血脈故治厥陰鬱火目痛如神

夏枯草 香附子 各二兩 甘草 四錢

共爲末每服一錢五分茶清調下頃刻痛減真神方也

芍藥清肝散 治眵多眊燥緊澁羞明赤脈貫睛

白朮 石膏 川芎 防風 桔梗 滑石 前胡

赤芍 甘草 薄荷 柴胡 黃芩 知母 羌活

荆芥穗 山梔仁 搗碎○如臟腑結澁者加大黃

洗眼神方

真川黃連 三錢 杏仁 八粒去皮生用 粉甘草 六分生用 胆礬 一分

銅青 三分 大元棗 一枚

右藥秤極准不得加減分釐頭煎與二煎和勻用新棉花收之乘熱際眼以喉中作苦爲度餘者晒乾可藏數年此料可

治十數人不拘風火時眼類洗立效老眼昏化流淚者洗之
如少年

連栢攀棗湯 此方洗火眼赤腫痛不可忍

黃連 黃栢各四錢 生白礬三分 膠紅棗一枚

用小罐熬濃微溫洗眼立效

洗爛弦風赤眼方 此藥其效如神人家所不可少無目病則

以施人僧廉功倍濟人甚大

文蛤 蚌 黃連 去毛淨 防風 荆芥穗 各五錢

苦參 四錢 銅綠 五分 右爲極細末外以薄荷葉煎濃湯

丸彈子大臨用時以熱水化開乘熱洗眼目三次立愈神效

點眼藥方 點治諸眼用藥少許入酒鐘內對涼水滴擦眼目

硼砂 一兩

海螵蛸 去壳 一兩

硃砂 五錢 飛

天竺黃 揀辛香 一兩

頂上片子煆甘石其色瑩白者佳八兩炭火煆紅童便淬七

次研粉水飛過晒乾若煆後堅硬不鬆不膩者不用

右為極細末用細絹篩過每藥一兩加水片一分寸香五

厘照算加入搗勻磁瓶收藏遇一切目疾如前對少許凉水

滴擦眼目

雞子黃蓮膏

治火眼暴赤疼痛熱在膚膜淺而易解者用此點之數次可愈若熱由內候火在陰分者不宜外用涼藥非惟不能去內

熱而且以閉火邪也用雞子一枚開一小竅單取其清盛以
磁碗外用黃連一錢研細末摻入雞子清內用筋徹底連打
數百使成浮沫約得半碗許卽其度矣安放少頃用筋撥開
浮沫傾出清汁用點眼皆勿得緊閉眼胞臍出其藥必熱淚
湧出數次卽愈若加水片少許尤妙○若雞蛋小而清少者
加涼水二三匙同打亦可

麩仁膏 專去翳障

麩仁 淨仁一兩用
紙裏壓去油

白礪砂 一錢
麝香 三分

共研極細磁罐貯之每用少許點眼

烏賊骨 去日中浮翳研極細和蜜點之

六味地黃湯

八味地黃湯

二方均見補益門

爛弦風眼

衛生簡易方用銅綠一兩研極細粉以水調塗六品碗內底
上將碗倒懸下用乾艾燃火艾烟薰藥須多用艾薰乾刮下
塗爛處或用麻油少許調塗亦可

耳證

腎開竅於耳心亦寄竅於耳胆絡脈附於耳體虛失聰治在心
腎邪干竅閉治在胆經蓋耳爲清空之竅清陽相氣上交之所

一受風熱火鬱之邪與水衰火竇腎虛氣厥皆能失聰至於治此之法不越乎益腎補心通陽鎮陰清肝等法但須分別陰陽若火壅於上者固宜清降如兼陰虛亦當補陰此陽症之治也若無火邪只由虛損氣閉則或補或開必兼辛溫之劑方能通行此陰症之治也

經曰頭痛耳鳴九竅不利腸胃之所生也腸胃不足故氣弱不充傷寒及大病之後多有此症宜補中益氣湯歸脾湯治之耳聾多恐者肝虛也經云肝虛則目眈眈無所見耳無所聞善恐治法用四物湯加防風羌活柴胡葛蒲茯神王之或十全大補湯皆可凡諸補劑中或以石菖蒲遠志肉川芎柴胡升麻細辛

等藥皆可隨宜加用

經曰五臟不和則九竅不通其耳鳴耳痒耳聾者皆屬腎虛清陽之氣不升所致也宜從補益門詳症治之其壯年及小兒耳腫耳痛耳停乃三陽風熱壅遏所致也宜升陽散火清涼之藥不可用溫暖之劑所以潔古老人嘗曰目耳之病不可以用溫補者此也新聾多熱少陽陽明火多故也舊聾多虛腎家不足故也一宜散風清熱一宜滋腎通竅若陰虛火盛者固宜補陰降火倘脈大無力或右手細小沉弱者陽氣大虛也又宜甘溫之劑助陽生陰長之義少加血藥佐之若亦純視爲陰虛而用滋陰降火之劑則陽氣愈弱非惟耳聾不痊反增惡心胸滿泄

瀉之患矣人身有九竅陽竅七兩耳兩目雙鼻口是也陰竅二
前後二陰是也陽氣走上竅若下入陰位則有溺泄腹鳴之候
陰氣走下竅若上入陽位則有窒塞耳鳴之候高年之人腎水
已枯真火易露故腎氣易出難收浮越上竅聞如蛙鼓蚊鑼而
失聽斯聰矣非若少壯之人偶被外邪所干可用菖蒲麝香透
氣導達者也故治高年逆上之氣宜用磁石取其重能墜下性
主下吸兼用地黃龜膠羣陰之藥佐之更助五味山茱之酸收
之令陰氣自旺於本宮而不上觸於陽竅由是空曠無礙耳之
於聲猶谷之應響故耳之妙用全在虛而能受也

昔王萬里時患耳痛魏文靖公勸以服青鹽鹿茸煎雄附爲劑

且言此藥非為君虛損服之曷不觀易之坎為耳蓋坎之陽居
 中耳之聰在內坎水藏在腎開竅於耳在志為恐恐則傷腎故
 耳痛氣陽運動常顯血陰流行常幽血在形如水在天地之間
 故坎為血卦是經中已著病證矣竟餌之而愈

有一等火鬱症耳中忽作大痛如虫在內奔走或出血或水或
 乾痛難忍用蛇退火燒存性為末鵝管吹入立止取蛇之金脫
 以解散鬱火也

柴胡清肝散

薛立齋方

治肝胆三焦風熱耳內腫痛瘡毒等證

柴胡

黃芩 各二錢

山梔

川芎

人參 各一錢半

遠翹

桔梗 各一錢

甘草 八分

梔子清肝散 治肝胆三焦風熱耳內作痒或生瘡出水或癩

助胸乳作痛寒熱往來

梔子 柴胡 丹皮各二錢 當歸 川芎 芍藥

牛蒡子炒搗碎 茯苓各一錢半 甘草八分

桂星散 治風閉耳聾

官桂 川芎 當歸 石菖蒲 細辛 木通

廣香 挫未對服 麻黃去節 甘草炙 白芷稍

白茯苓炒去刺 天南星煨製各二錢 葱白紫蘘生薑水煎食后

聰明益腎湯 治腎虛耳聾

黃芪二錢 人參 炙甘草 當歸酒洗 白朮各一錢

橘紅 菖蒲 防風 荆芥各六分 升麻 柴胡各四分

肉蓯蓉丸 治腎虛耳聾

肉蓯蓉 淘米水洗淨酒浸洗 兔餅 防風 人參 熟地

山茱萸 白茯苓 官桂 芍藥 羌活 黃芪 各五錢

製附片 澤瀉 各二錢半 羊腎 一對薄切去筋膜炙乾

煉蜜九桐子大每服三五十丸空心溫酒下

六味地黃丸 見補益門依本方加知母黃栢石菖蒲志肉治

陰虛火動耳聾耳鳴神効

固本耳聰丸 治心腎不足耳聾等症

熟地 四兩 栢子仁 搗爛用紙數層包定外用熨斗熨紙搥去油一兩

人參 一兩

石菖蒲

五錢蜜酒拌焙

遠志肉

甘草水煮去心八錢

五味子 七錢

白茯苓

一兩人乳拌炒

山藥

二兩人乳拌炒

共為末蜜丸每服三錢

犀角飲

治風熱上壅耳門腫痛膿水流出

菖蒲

犀角 挫末

赤小豆

木通

赤芍

玄參

甘菊花 各二錢

甘草 七分

薑水煎服

新方鎮陰丸

治腎水虧虛不能相濟火氣逆上耳聾目暗

熟地 二兩

山藥

白茯苓

巴戟肉

龜膠

各一兩

肉苁蓉

淘米水洗淨酒洗一兩

五味子

五錢

磁石

一兩火煨

澤瀉

一兩用青鹽三錢對水炒

牛膝 七錢

山茱萸

一兩酒浸洗

家藏書
卷六
五十一
密丸 梧子 大空心 白水送下

補中益氣湯 歸脾湯 四物湯 十全大補湯

以上四方均見補益門

當歸龍會丸 治一切肝胆之火 神志不寧 驚悸 搐搦 躁擾 狂越 頭暈 目眩 耳鳴 耳聾 胸膈痞塞 咽嗑不利 腸胃躁澁 兩脇痛引 少腹 肝移熱於肺而咳嗽 或陰囊腫脹等證

當歸 龍胆草 梔子 黃連 黃芩 黃柏 各一兩
蘆薈 大黃 青黛 各五錢 木香 二錢 麝香 五分 另研

右爲末 神麴丸 桐子大 每服三四十九

龍胆瀉肝湯 治肝胆經實火 溫熱 脇痛 耳聾 胆溢 口苦 筋疼

陰汗陰腫陰痛白濁溲血

龍胆草 黃芩 梔子 澤瀉 木通 車前子

當歸 生地 柴胡 甘草

古方以藥塞耳導通竅閉之法只可施之於或因病後或感風邪或寒火氣逆一時偶閉耳聾者若係年老虛損而聾者用之無益

塞耳聾並痛爛疇耳諸方

一方治耳聾用巴豆一粒去心皮膜斑猫一枚去翅足二物合搗膏新綿包定塞耳中再易甚驗

一方用大蒜一瓣蒜頭剗一孔以巴豆一粒去皮膜灰火慢炮

極熱入在蒜孔內以新綿裏定塞耳中三次效

一方以養活者磁石如豆大一塊穿山甲灰火炮焦二味爲末

用新綿裏塞耳中口啣包生一小塊覺耳內如風雨聲即愈

一方以酒浸針砂一日夜至次日去砂將酒盞包口中用活磁

石一塊綿裏塞耳此導氣通竅法也

一方治耳爛用具母爲末加輕粉乾摻

一方治耳聾用石菖蒲一寸巴豆一粒去皮膜全蝎一個去足

尾共爲末用火葱搗涎汁如棗核大綿裏塞耳神效

一方治耳痛難忍用磨刀鉄漿滴入耳中即愈神效

一方治膿耳用枯礬龍骨煨各一錢黃丹二錢飛胭脂一錢海

蝶蛸五分麝香少許爲細末以綿校子振去膿水用壹字搽
在耳肉日一用之勿令風入耳自愈如無乾胭脂卽以濟寧
油胭脂同枯礬拌擦如粉用之

一方治聾耳流膿用菖蒲根水洗淨乾水搗取自然汁先以綿
杖將耳中膿水然淨然後將蒲汁灌入盪洗數次全愈最妙
方膿耳火盛者用蚯蚓五條去土淨放入酒鍾內以鹽少許
加入不一時蚯蚓卽死將蚯蚓涎水灌在耳內候涎水仍出
用綿杖拭乾方以枯礬二錢麝香少許共爲末每用二三分
以筆管吹耳內一日二次不過三四日全愈

一方治小兒耳後生瘡各月蝕瘡用黃連枯礬胡粉蛇床子各

等分爲末敷之

一方治暴耳聾灸法用小蒼蒲長七八分一頭削尖一頭截平中微剗坦窩將尖頭挿耳內平頭窩上用筋頭大艾炷灸之或七壯或十餘壯覺耳內有熱氣止自效

又方用雞心栴榔一個剗一窩如黑豆大微深貫以麝香一頭坐於患耳內上以艾炷火之不過二三次即效

一方治諸虫入耳用猫尿滴耳中即出取猫尿以生薑旋切擦猫鼻猫即尿或用生葱汁生薑汁生韭汁滴入耳中或花椒末一錢醋半鍾浸良久少少滴入自出

一方蜈蚣入耳用雞冠血滴入或之肉炙香人側臥用香肉置

勿重聞香自出若夜間暗入者切勿驚慌响叫逼虫内攻
宜點燈光向耳竅其虫見光自出若對面有人其虫畏人不
出人皆旁避自驗

一方治小虫入耳用竹管入耳竅以口吸出

又方治小虫入耳以麻油數點滴入耳竅虫卽死取出